

1866.

29. sept.

81. Bréf dómsmálastjórnarinnar til amtmannsins yfir norður- og austurumdæminu, um þóknun handa Eggerti umboðsmanni Gunnarssyni.

Í bréfi dagsettu 4. júnímán. þ. á. hafið þér, herra amtmáður, skýrt frá, að Eggert Gunnarsson, umboðsmaður yfir norðurhluta Múkaþverár klausturs, hafi í fyrra sumar eptir skipun amtsins farið austur í þingeyjar sýslu, útaf ymsum landa- og rekaþrætum millum nokkurra af jörðum umboðsins og ýmissa jarðeigenda, og að umboðsmanninum hafi tekizt að koma sættum á um allar þessar þrætur, þannig, að málspartarnir, sem á móti voru, létu af öllu tilkalli til jarðaskika þeirra og rekaparta, sem úgreiningurinn var um. Vegna þess hafið þér beiðzt samþykkis stjórnarráðsins til, að þér hafið leyft Eggerti umboðsmanni Gunnarssyni að tilgreina meðal gjaldanna í umboðsreikningi hans, fyrir reikningsárið sem leið, 38 rd., sem eru upphæð reiknings frá honum yfir ferðakostnað hans og fæðispeninga.

Útaf þessu skal yður til vitundar gefið, yður til leiðbeiningar og til þess að þér gjörið þær ráðstafanir sem með þarf, að stjórnarráðið samkvæmt reglu þeirri, sem sett er í rentukammerbréfi 19. júnímán. 1846, ekki getur veitt samþykki það, sem þér hafið beiðið um, nema að því er snertir næstsíðasta lið reikningsins (3 rd., borgun til áreiðarmanna), en aptur á móti hefir stjórnarráðið eptir málavöxtum ekkert að því að finna, að umboðsmanninum sé veittir 25 rd. í auka-þóknun fyrir dugnað þann, sem hann hefir sýnt í þessu efni, og að þeir sé tilfærðir meðal gjaldanna í umboðsreikningi hans.

2. október.

82. Bréf dómsmálastjórnarinnar til stiptamtmannsins yfir Íslandi, um altaristöflur handa nokkrum kirkjum, sem eru konungseign.

Útaf því, að umboðsmaðurinn yfir Kirkjubæjar- og Þykkva-
bæjarklausturs jörðum hefir skýrt frá, að það vanti altaristöflur

í Prestbakka, Langholts og Þykkvabæjarklausturs kirkju, sem eru nýsmíðaðar, hafið þér, herra stiptamtmaður, farið þess á leit í bréfi, dagsettu 4. júnímán. þ. á., að veittir verði 460 rd. í fjárhagslögunum fyrir fjárhagsárið 1867—68, til þess að útvega fyrir altaristöflur handa kirkjum þessum.

1866.

2. október.

Nú er skrifast hefir verið á við fjárstjórnina um málefni þetta, skal yður til vitundar gefið yður til leiðbeiningar, að með því að fjárstjórnin ekki hefir þókt geta veitt samþykki sitt til þessa gjalds vegna þess, hvernig ástatt er með fjárhag Íslands, sèr dómsmálastjórnin sèr ekki fært að halda lengra úti þetta.

83. Bréf dómsmálastjórnarinnar til stiptamtmannsins yfir Íslandi, um heiðurspening handa Jóni hreppstjóra Erlendssyni á Auðnum.

3. október.

Samkvæmt þegnlegum uppástungum dómsmálastjórnarinnar hefir hans hátign konunginum þóknast 12. þ. m. allramildilegast að veita Jóni Erlendssyni, hreppstjóra í Vatnsleysustrandar hrepp í Gullbringusýslu, heiðurspening, fyrir að hafa mörgum sinnum með lífsháska bjargað íslenskum sjómönnum, sem voru í nauðum staddir á sjó, og að leyfa honum að bera peninginn á brjóstinu.

Um leið og yður er sendur heiðurspeningur sá, sem sleginn hefir verið til þessa, eruð þér bednir að fá Jóni hreppstjóra Erlendssyni hann í hendur, á þann hátt, sem yður þykir bezt við eiga.

84. Bréf dómsmálastjórnarinnar til stiptyfirvaldanna á Íslandi, um borgun handa prófdómendum við lækna-próf í Reykjavík.

3. október.

Í bréfi dagsettu 13. júnímán. þ. á. hafið þér, herra stiptamtmaður, og Helgi Thordersen biskup skýrt frá, að þér hafið